

**სს „ელექტროენერგეტიკული სისტემის
კომერციული ოპერატორი“**



**შენობის დასრულების სამუშაოების (CPV 45400000) შესყიდვის
გამარტივებული ელექტრონული ტენდერის
სატენდერო დოკუმენტაცია**

**ქ. თბილისი
2016 წელი**

ს ა რ ჩ ე ვ ი

1. ინფორმაცია ტენდერში მონაწილეთათვის
2. საკვალიფიკაციო მოთხოვნები
3. ტექნიკური დავალება
4. სახელმწიფო შესყიდვების შესახებ ხელშეკრულების პროექტი
5. დამატებითი ინფორმაცია

1. ინფორმაცია ტენდერში მონაწილეობის

სახელმწიფო შესყიდვების ერთიანი ელექტრონულ სისტემის საშუალებით შესყიდვის პროცედურები ხორციელდება „სახელმწიფო შესყიდვების შესახებ“ საქართველოს კანონისა და სახელმწიფო შესყიდვების სააგენტოს 2011 წლის 7 აპრილის №9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის“ შესაბამისად. ინსტრუქტაჟი შესაძლებელია ასევე იხილოთ <http://procurement.gov.ge>

2. საკვალიფიკაციო მოთხოვნები

საკვალიფიკაციო მონაცემების დასადასტურებლად პრეტენდენტის მიერ წარმოსადგენი დოკუმენტაცია და პირობები:

2.1. რეზიდენტი იურიდიული პირისა და ინდივიდუალური მეწარმისათვის:

ა) ამონაწერი მეწარმეთა და არასამეწარმეო (არაკომერციული) იურიდიულ პირთა რეესტრიდან (მოთხოვნილი იქნება მხოლოდ იმ შემთხვევაში, თუ სსიპ „საჯარო რეესტრის ეროვნული სააგენტოს“ ოფიციალური ვებ-გვერდის მეშვეობით შეუძლებელია პრეტენდენტის შესახებ შესაბამისი ინფორმაციის სრულყოფილად მიღება. ასეთ შემთხვევაში ამონაწერი გაცემული უნდა იყოს “ტენდერი გამოცხადებულია” სტატუსის მინიჭების შემდეგ).

2.2. ფიზიკური პირებისათვის:

- პირადობის მოწმობის ან პასპორტის ასლი

2.3. აღნიშნული დოკუმენტები გამარჯვებული პრეტენდენტის მიერ წარმოდგენილ უნდა იქნეს ელექტრონული ვაჭრობის დამატებითი რაუნდების დასრულების შემდეგ „შემსყიდველის“ მოთხოვნის შემთხვევაში და შესაბამისად.

2.4. ზემოაღნიშნული დოკუმენტაციის მოთხოვნის მიზანია პირის იდენტიფიკაცია და სახელმწიფო შესყიდვების პროცესში მესამე პირებთან საწარმოს წარმომადგენლობაზე უფლებამოსილი პირების დადგენა.

2.5. პრეტენდენტის მიერ საკვალიფიკაციო მონაცემების დამადასტურებელი დოკუმენტის წარდგენა ხდება მოქმედი კანონმდებლობით გათვალისწინებული წესით.

3. ტექნიკური დავალება

ტექნიკური დოკუმენტაცია პრეტენდენტის მიერ შედგენილი უნდა იყოს ქვემოთ მითითებული კრიტერიუმებისა და მოთხოვნების გათვალისწინებით:

1. სს “ელექტროენერგეტიკული სისტემის კომერციული ოპერატორის” (შემდგომში- „შემსყიდველი“) მიერ გამოცხადებული გამარტივებული ელექტრონული ტენდერის შესყიდვის ობიექტს წარმოადგენს ქ. თბილისში, ბარათაშვილის ქ. №2, მე-5 სართულზე მდებარე საოფისე ფართის სარემონტო სამუშაოები.
2. პროექტი მოცემულია წინამდებარე სატენდერო დოკუმენტაციის №1 დანართში, რომელიც ატვირთულია სისტემაში, როგორც სატენდერო დოკუმენტაციის შემადგენელი ნაწილი. შესასრულებელი სამუშაოების ჩამონათვალი (ხარჯთაღრიცხვა/განფასების ცხრილის მონაცემები) მოცემულია ერთიანი ელექტრონული სისტემის მეშვეობით წარმოდგენილ №2 დანართში, რომელიც ასევე წარმოადგენს წინამდებარე სატენდერო დოკუმენტაციის შემადგენელ ნაწილს.
3. სატენდერო განცხადებაში შესყიდვის ობიექტის სავარაუდო ღირებულება მითითებულია დღგ-ს ჩათვლით. პრეტენდენტის სატენდერო წინადადების ფასიც წარმოდგენილი უნდა იყოს დღგ-ს ჩათვლით. დღგ-ს არგადამხდელმა პრეტენდენტმა უნდა აღნიშნოს, რომ არ არის დღგ-ს გადამხდელი და ასეთ შემთხვევაში პრეტენდენტთა წინადადებების შეფასება მოხდება დღგ-ს გარეშე ფასების მიხედვით.
პრეტენდენტის სატენდერო წინადადების ფასი უნდა მოიცავდეს შესასრულებელი სამუშაოების სრულყოფილად შესრულებასთან დაკავშირებულ ყველა ხარჯსა და კანონმდებლობით გათვალისწინებულ გადასახადებსა და გადასახდელებს.
4. პრეტენდენტის ტექნიკური დოკუმენტაციაში წარმოდგენილი (სისტემაში ატვირთული) უნდა იყოს შესაბამისი უფლებამოსილი პირის ხელმოწერით და შესაბამისი ბეჭდით (ასეთის არსებობის შემთხვევაში) დადასტურებული შემდეგი მონაცემები:
 - ა) შესასრულებელი სამუშაოების ხარჯთაღრიცხვა/განფასება წინამდებარე სატენდერო დოკუმენტაციის №2 დანართში მითითებული ხარჯთაღრიცხვის მონაცემების მიხედვით. ხარჯთაღრიცხვაში/განფასებაში გათვალისწინებულია საქართველოს ეკონომიკისა და მდგრადი განვითარების მინისტრის 2012 წლის 12 ივლისის №1-1/1463 ბრძანებით დამტკიცებული „სამშენებლო სამუშაოების სახელმწიფო შესყიდვისას ზედნადები ხარჯებისა და გეგმიური მოგების განსაზღვრის წესის“ მოთხოვნები;
 - ბ) ინფორმაცია 2015-2016 წწ. განვლილ საანგარიშო პერიოდში ანალოგიური სარემონტო საქმიანობის განხორციელების გამოცდილების თაობაზე არანაკლებ 3 (სამი) ობიექტზე. თითოეული მათგანის ღირებულება უნდა იყოს არანაკლებ წინამდებარე ტენდერით განსაზღვრული შესყიდვის ობიექტის სავარაუდო ღირებულებისა, დადასტურებული შესაბამისი დოკუმენტით (მიღება-ჩაბარების აქტი ან სხვა დამადასტურებელი დოკუმენტი);
 - გ) დამკვეთის/შემსყიდველის მიერ გაცემული დადებითი დახასიათების ამსახველი სარეკომენდაციო წერილი (მინიმუმ ორი), სადაც ჩატარდა ანალოგიური ტიპის სამუშაო 2015-2016 წლებში;
 - დ) 2015 წლის განმავლობაში და 2016 წლის აგვისტოს ჩათვლით, ანუ უკანასკნელი 20 თვის მანძილზე ნებისმიერ პერიოდში ჯამურად არანაკლებ 1 000 000 (ერთი მილიონი) ლარის ბრუნვის დამადასტურებელი ოფიციალური დოკუმენტი (ბრუნვის ამონაწერი მომსახურე ბანკ(ებ)იდან ან საგადასახადო დეკლარაციების ასლები ან სხვა ანალოგიური სახის/დანიშნულების დოკუმენტი). ამასთან, პრეტენდენტს აქვს ტენდერში მონაწილეობის საშუალება, თუ მისი საშუალო თვიური ბრუნვის 20-ზე ნამრავლი შეადგენს არანაკლებ მოთხოვნილი ბრუნვის ოდენობას;
5. პრეტენდენტმა სავალდებულოდ უნდა წარმოადგინოს დასაბუთება ფასწარმოქმნის ადეკვატურობის შესახებ იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე. ადეკვატურობა შესაძლებელია დასაბუთდეს სსიპ “ლევან სამხარაულის სახელობის ექსპერტიზის

ეროვნული ბიუროს” ან სხვა, შესაბამისი აკრედიტაციის მქონე პირის მიერ გაცემული ექსპერტიზის დასკვნით, ან/და შესყიდვის ობიექტის მიწოდებასთან დაკავშირებით პრეტენდენტის მიერ გაფორმებული ხელშეკრულებით, ან/და ანგარიშ-ფაქტურით (ინვოისით) ან/და იდენტური სამუშაოს ან/და გამოყენებული მასალების ღირებულების რეალობის ამსახველი სხვა ისეთი დოკუმენტაციით, რომელიც დაადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას.

(საფუძველი: სახელმწიფო შესყიდვების სააგენტოს 2011 წლის 7 აპრილის №9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის“ მე-11 და მე-12 მუხლები).

6. გამარჯვებულმა პრეტენდენტმა უნდა წარმოადგინოს ლიცენზირებული კომერციული ბანკის მიერ გაცემული ხელშეკრულების შესრულების უზრუნველყოფის გარანტია, რომლის ოდენობა, მოქმედი კანონმდებლობის გათვალისწინებით, განისაზღვრება:

ა) ხელშეკრულების ღირებულების 5%-ის ოდენობით-ჩვეულებრივ შემთხვევაში;

ბ) ხელშეკრულების ღირებულების 10%-ის ოდენობით – თუ ტენდერში ელექტრონული ვაჭრობის შედეგად გამარჯვებული პრეტენდენტის მიერ სისტემაში დაფიქსირებული საბოლოო ფასი 20%-ზე მეტით დაბალია წინამდებარე ტენდერის შესყიდვის ობიექტის სავარაუდო ღირებულებაზე.

„შემსყიდველის“ გადაწყვეტილებით, ხელშეკრულების შესრულების უზრუნველყოფის გარანტიის წარდგენისგან შესაძლებელია განთავისუფლდეს პრეტენდენტი ან პოტენციური მიმწოდებელი მისი საქმიანი რეპუტაციისა და მის მიერ წარმოებული სამუშაოს ხარისხისა და ცნობადობის გათვალისწინებით, აგრეთვე თეთრ სიაში რეგისტრირებული მიმწოდებელი.

თუ „შემსყიდველი“ თეთრ სიაში რეგისტრირებულ მიმწოდებელი არ გათავისუფლებს ხელშეკრულების შესრულების უზრუნველყოფის გარანტიის წარდგენისგან, თეთრ სიაში რეგისტრირებული „მიმწოდებელი“ წარმოადგენს ხელშეკრულების შესრულების უზრუნველყოფის ზემოაღნიშნული გარანტიის ნახევარს.

ხელშეკრულების შესრულების უზრუნველყოფის გარანტია შემსყიდველ ორგანიზაციას, წარედგინება ხელშეკრულების დადებამდე.

„შემსყიდველს“ უფლება აქვს, დასაბუთებული გადაწყვეტილებით, არ მიიღოს ხელშეკრულების შესრულების უზრუნველყოფის ისეთი გარანტია, რომელიც ეწინააღმდეგება საქართველოს კანონმდებლობას.

ხელშეკრულების შესრულების უზრუნველყოფის გარანტიის მოქმედების ვადა განისაზღვრება შესრულებულ სამუშაოებზე საგარანტიო მომსახურების ვადის ამოწურვამდე, რაც, წინამდებარე დოკუმენტაციის მიხედვით, შეადგენს სარემონტო სამუშაოთა მიღება-ჩაბარების აქტის გაფორმების დღიდან არანაკლებ 1 (ერთი) წელს.

(საფუძველი: სახელმწიფო შესყიდვების სააგენტოს 2011 წლის 7 აპრილის №9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის“ 21-ე მუხლი).

7. პრეტენდენტს შეუძლია წინაწარ ნახოს და დაათვალიეროს სარემონტო ობიექტი.

8. გამარჯვებულმა პრეტენდენტმა (შემდგომში-„მიმწოდებელი“) სამუშაოები უნდა აწარმოოს „შემსყიდველის“ ფუნქციონირებისათვის ნორმალური რიტმის შენარჩუნების პირობებში.

9. რემონტთან დაკავშირებული ყველა მასალა უნდა იყოს ახალი, ექსპლუატაციაში არმყოფი და შეძენილი უნდა იყოს „მიმწოდებლის“ მიერ. გარდა ამისა, შესრულებული სამუშაოები, სამუშაოების პროცესში გამოყენებული ძირითადი მასალები, მოწყობილობა-დანადგარები, უნდა იყოს მაღალი ხარისხის და აკმაყოფილებდეს თანამედროვე ტექნოლოგიების მოთხოვნებს. ამასთან, სამუშაოების შესრულების პროცესში გამოსაყენებელი მასალებისა (მათ შორის ლამინირებული იატაკი, საღებავი და ა.შ.) და მოწყობილობების ვიზუალური და ტექნიკური მახასიათებლები წინასწარ, მათ შესყიდვა-გამოყენებამდე უნდა შეთანხმდეს შემსყიდველის უფლებამოსილ პირ(ებ)თან, მათ შორის გამოსაყენებელი ნედლეულისა და მასალების შესაბამისი სერტიფიკატების (ასეთის არსებობის შემთხვევაში) „შემსყიდველისათვის“ წარმოდგენის გზით. გამარჯვებული პრეტენდენტის/მიმწოდებლის მიერ აღნიშნული პირობის დაუცველობის შემთხვევაში, შემსყიდველი უფლებამოსილია არ

მიიღოს ასეთი სამუშაო და მოითხოვოს მითითებული პირობის დაცვა, რა შემთხვევაშიც დამატებით ხარჯებს აანაზღაურებს მიმწოდებელი.

10. სამუშაოების მიმდინარეობისას საოფისე ავეჯი, ფარდები/ჟალუზები, მინები, იატაკი და ა.შ., დაბინძურების თავიდან ასაცილებლად, უნდა შეიფუთოს (დაიფაროს) დაბინძურებისაგან დამცავი საშუალებით (მაგალითად, პოლიეთილენის ან მსგავსი შესაფუთი მასალით). საოფისე მოწყობილობებისა და ავეჯის შიდა გადაადგილებას (საჭიროების შემთხვევაში) საკუთარი ძალებითა და ხარჯით ახდენს „მიმწოდებელი“. გარდა ამისა, სამუშაოების მიმდინარეობის დროს და მისი საბოლოოდ დასრულების შემდეგ, სამუშაო ტერიტორია, კედლები, ფანჯრები, კარები, ავეჯი, ფარდა-ჟალუზები, ოფისის მოწყობილობები, მასალის გადასაზიდად გამოყენებული ლიფტი, შენობის კიბეები და ა.შ. „მიმწოდებლის“ მიერ უნდა გასუფთავდეს/გაიწმინდოს რემონტის კვალისაგან, ხოლო სამშენებლო-სარემონტო ნარჩენები გატანილ იქნას შენობის ფარგლებს გარეთ, შესაბამის ნებადართულ ადგილზე, რაზედაც პასუხისმგებლობა ეკისრება „მიმწოდებელს“.

11. შესრულებულ სამუშაოებზე საგარანტიო მომსახურების ვადა განისაზღვრება სარემონტო სამუშაოთა მიღება-ჩაბარების აქტის გაფორმების დღიდან არანაკლებ 1 (ერთი) წლისა. ამ პერიოდის განმავლობაში გამოვლენილი, მიმწოდებლის მიზეზით წარმოშობილი სამუშაოების (მასალების, მოწყობილობების და ა.შ.) ნაკლი (ხარვეზი/დეფექტი), „მიმწოდებლის“ მიერ აღმოფხვრილ უნდა იქნას საკუთარი სახსრებით. ამასთან, ნაკლის გამოსწორების სამუშაო უნდა დაიწყოს აღნიშნულის შესახებ ინფორმაციის მიღების თარიღიდან არაუგვიანეს მე-3 სამუშაო დღისა. თუ მიმწოდებელი ვერ შეძლებს ნაკლის გამოსწორებას და შემსყიდველს გადახდილი აქვს ამ ნაკლის მქონე სამუშაოს ღირებულება, მიმწოდებელი ვალდებულია მოახდინოს ნაკლის მქონე სამუშაოს ღირებულების დაბრუნება.

„მიმწოდებელმა“, მოქმედი კანონმდებლობის დაცვით, უნდა აანაზღაუროს მისი ბრალეულობით „შემსყიდველისათვის“ მიყენებული ზარალი/ზიანი.

12. ვაჭრობის დამატებითი რაუნდების დასრულების შემდეგ დაფიქსირებული საბოლოო სატენდერო ღირებულება აისახება ხელშეკრულებაში.

13. შესყიდვის ობიექტით გათვალისწინებული სამუშაოს მიწოდების (შესრულების) ვადა იწყება ხელშეკრულების ხელმოწერის მომდევნო დღიდან და მთავრდება 30-ე დღის ჩათვლით.

14. შესრულებული სამუშაოების მიღება-ჩაბარების აქტის გაფორმებამდე, მიმწოდებელმა საკუთარი სახსრებით უნდა უზრუნველყოს:

ა) სსიპ „ლევან სამხარაულის სახელობის ექსპერტიზის ეროვნული ბიუროს“ ან სხვა, შესაბამისი აკრედიტაციის მქონე პირის, მიერ გაცემული საექსპერტო დასკვნის წარმოდგენა შესრულებული სამუშაოების (ფორმა №2) თაობაზე, რომლითაც დადასტურებული უნდა იყოს ფაქტობრივად შესრულებული სამუშაოების შესაბამისობა „მიმწოდებლის“ მიერ წარდგენილი დოკუმენტაციის/ხარჯთაღრიცხვის მონაცემებთან;

ბ) სამუშაოებზე აღმოჩენილი ხარვეზის აღმოფხვრა.

15. „შემსყიდველი“ უზრუნველყოფს წარმომადგენლ(ებ)ის გამოყოფას, რომელიც უშუალოდ გაუწევ(ენ)ს ზედამხედველობასა და კონტროლს ხელშეკრულებით გათვალისწინებული ვალდებულებების შესრულების პროცესს. ყველა გამოვლენილი ნაკლოვანების აღმოფხვრასთან დაკავშირებული ხარჯების ანაზღაურება ეკისრება მიმწოდებელს.

16. სატენდერო ღირებულების ანაზღაურება მოხდება ზემოაღნიშნული, საექსპერტო დასკვნით დადასტურებული, ფაქტიურად შესრულებული სამუშაოების მოცულობის მიხედვით, შესაბამისი მიღება-ჩაბარების აქტის საფუძველზე, საანგარიშსწორებო (საგადასახადო) დოკუმენტაციის წარმოდგენიდან 5 საბანკო დღის განმავლობაში.

საავანსო ანგარიშსწორების პირობები არ განიხილება.

17. ხელშეკრულების მხარეთა მიმართ გამოყენებული იქნება, საჭიროების მიხედვით, შემდეგი სახის სანქციები/ჯარიმები:

ა) ხელშეკრულებით გათვალისწინებული სარემონტო სამუშაოების პირობების არსებითი შეუსრულებლობისათვის (მ.შ. სამუშაოების ნაწილობრივი შესრულება), „მიმწოდებლის“ მიმართ გამოყენებული იქნება პირგასამტეხლო ხელშეკრულების საერთო ღირებულების 5%-ის ოდენობით;

ბ) ხელშეკრულებით გათვალისწინებული სარემონტო სამუშაოების შესრულების ვადის გადაცილების შემთხვევაში, „შემსყიდველს“ უფლება აქვს „მიმწოდებლის“ მიმართ გამოიყენოს პირგასამტეხლო ყოველ ვადაგადაცილებულ დღეზე სახელშეკრულებო ღირებულების 0.2%-ის ოდენობით. იმ შემთხვევაში, თუ ვადის გადაცდენისათვის დაკისრებული პირგასამტეხლოს ოდენობა გადააჭარბებს სახელშეკრულებო ღირებულების 1%-ს, „შემსყიდველს“ უფლება აქვს შეწყვიტოს ხელშეკრულება და, ნაკისრი ვალდებულებების შეუსრულებლობისათვის, გამოიყენოს ხელშეკრულებით განსაზღვრული შესაბამისი ჯარიმები/სანქციები;

დ) „შემსყიდველის“ მიერ შესრულებული სამუშაოს ღირებულების ანაზღაურების დაგვიანების შემთხვევაში, „მიმწოდებელს“ უფლება აქვს „შემსყიდველის“ მიმართ გამოიყენოს პირგასამტეხლო ყოველ ვადაგადაცილებულ დღეზე შესასრულებელი ვალდებულების შესაბამისი ღირებულების 0.2%-ის ოდენობით.

წინამდებარე პუნქტში განხილულ შემთხვევებშიც, ფაქტიურად შესრულებული სამუშაოთა მოცულობის დამადასტურებლად (საჭიროების შემთხვევაში), სსიპ „ლევან სამხარაულის სახელობის ექსპერტიზის ეროვნული ბიუროს“ ან სხვა, შესაბამისი აკრედიტაციის მქონე პირის დასკვნის წარმოდგენის ვალდებულება ეკისრება „მიმწოდებელს“. აღნიშნული პირობის შეუსრულებლობის შემთხვევაში, ექსპერტიზა შესაძლებელია ჩატარდეს „შემსყიდველის“ ინიციატივით, რომლის ხარჯიც დაეკისრება „მიმწოდებელს“ მოქმედი კანონმდებლობის დაცვით.

18. მიმწოდებელი პასუხისმგებელია სამუშაოების წარმოების უსაფრთხოების წესების, ეკოლოგიის, ბუნებისა და მშენებლობის ნორმატივების დაცვაზე, რომელიც გათვალისწინებულია მოქმედი კანონმდებლობით.

გარდა აღნიშნულისა, „მიმწოდებელმა“ მუშაობის პროცესში უნდა უზრუნველყოს საქართველოში მოქმედი სახანძრო უსაფრთხოების წესების მოთხოვნათა განუხრელი დაცვა.

19. სატენდერო წინადადება ძალაში უნდა იყოს შემდეგი ეტაპების დადგომამდე: „ხელშეკრულება დადებულია“, „დასრულებულია უარყოფითი შედეგით“ ან „ტენდერი შეწყვეტილია“.

20. სატენდერო წინადადების წარდგენა ავტომატურად ნიშნავს მიმწოდებლის თანხმობას სატენდერო დოკუმენტაციით დადგენილ პირობებსა და მოთხოვნებზე. ამასთან, პრეტენდენტს შეუძლია წარმოადგინოს (სისტემაში ატვირთოს) მისი რეპუტაციისა და საქმიანი გამოცდილების დამადასტურებელი სხვა დოკუმენტაცია.

21. ტექნიკური დოკუმენტაცია წარმოდგენილი უნდა იყოს ქართულ ენაზე. დოკუმენტაციის უცხოურ ენაზე წარდგენის შემთხვევაში, მას უნდა დაერთოს საქართველოს კანონმდებლობით დადგენილი წესით შესრულებული თარგმანი ქართულ ენაზე. დოკუმენტაციასთან დაკავშირებული სადავო საკითხების გადაწყვეტისას, უცხოურენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტი ენიჭება ქართულ ენაზე შესრულებულ თარგმანს.

22. პრეტენდენტის მიერ წარმოდგენილ უნდა იქნას შემდეგი რეკვიზიტები:

- პრეტენდენტის სამართლებრივი ფორმა და დასახელება;
- ხელმძღვანელის სახელი და გვარი;
- პრეტენდენტის იურიდიული ან/და ფაქტიური მისამართი;
- საიდენტიფიკაციო კოდი;
- პრეტენდენტის საკონტაქტო ტელეფონ(ებ)ის ნომერი;
- ელექტრონული მისამართი;
- მომსახურე ბანკ(ებ)ის დასახელება, ბანკის კოდი და ანგარიშსწორების ანგარიში.

4. ხელშეკრულება

ქ. თბილისი

{რიცხვი} {თვე} {წელი} წელი

ერთის მხრივ სს „ელექტროენერგეტიკული სისტემის კომერციული ოპერატორი“, წარმოდგენილი მისი გენერალური დირექტორის ----- სახით (შემდგომში „შემსყიდველი“) და მეორეს მხრივ {მიმწოდებელი}, წარმოდგენილი მისი {ხელმძღვანელი თანამდებობის დასახელება, სახელი და გვარი} სახით (შემდგომში „მიმწოდებელი“), სახელმწიფო შესყიდვების კანონის, სატენდერო დოკუმენტაციისა და წინადადების საფუძველზე, გამარტივებული ელექტრონული ტენდერის (SPA ტენდერის ნომერი) შედეგების მიხედვით, დებენ სახელმწიფო შესყიდვის შესახებ წინამდებარე ხელშეკრულებას შემდეგზე:

1. ხელშეკრულების საგანი და შესყიდვის ობიექტი

1.1. ხელშეკრულების საგანს წარმოადგენს 1.2. პუნქტში აღნიშნული შესყიდვის ობიექტი.
1.2. შესყიდვის ობიექტს წარმოადგენს ოფისის სარემონტო სამუშაოები (CPV 45400000) სატენდერო დოკუმენტაციისა და წინადადებაში მოცემული პირობების შესაბამისად.

2. ხელშეკრულების ღირებულება

2.1. ხელშეკრულების ჯამური ღირებულება შეადგენს ----- ლარს {თანხა ციფრობრივად} {თანხა სიტყვიერად} ლარს.

2.2. სახელშეკრულებო ღირებულება მოიცავს შესასრულებელი სამუშაოების სრულყოფილად შესრულებასთან დაკავშირებულ ყველა ხარჯსა და კანონმდებლობით გათვალისწინებულ გადასახადებსა და გადასახდელებს.

3. ანგარიშსწორების ფორმა

3.1 ღირებულების ანაზღაურება მოხდება შესაბამისი საექსპერტო დასკვნით დადასტურებული ფაქტიურად შესრულებული სამუშაოების მოცულობის მიხედვით, შესაბამისი მიღება-ჩაბარების აქტის საფუძველზე, საანგარიშსწორებო (საგადასახადო) დოკუმენტაციის წარმოდგენიდან 5 საბანკო დღის განმავლობაში.

3.2. საავანსო ანგარიშსწორება არ განიხილება.

4. მიღება-ჩაბარების წესი

4.1. შესყიდვის ობიექტის მიღება ხდება „მიმწოდებელსა“ და „შემსყიდველს“ შორის მიღება-ჩაბარების აქტის გაფორმებით.

4.2. შესრულებული სამუშაოების მიღება-ჩაბარების აქტის გაფორმებამდე, მიმწოდებელმა საკუთარი სახსრებით უნდა უზრუნველყოს:

ა) სამუშაოებზე აღმოჩენილი ხარვეზის აღმოფხვრა;

ბ) სსიპ „ლევან სამხარაულის სახელობის ექსპერტიზის ეროვნული ბიუროს“ ან სხვა, შესაბამისი აკრედიტაციის მქონე პირის, მიერ გაცემული საექსპერტო დასკვნის წარმოდგენა შესრულებული სამუშაოების (ფორმა №2) თაობაზე, რომლითაც დასტურდება ფაქტობრივად შესრულებული სამუშაოების შესაბამისობა „მიმწოდებლის“ მიერ წარდგენილი აქტების/დოკუმენტაციისა და ხარჯთაღრიცხვის მონაცემებთან.

4.3. შესრულებულ სამუშაოებზე საგარანტიო მომსახურების ვადა განისაზღვრება სარემონტო სამუშაოთა მიღება-ჩაბარების აქტის გაფორმების დღიდან არანაკლებ 1 (ერთი) წელი. ამ პერიოდის განმავლობაში გამოვლენილი, მიმწოდებლის მიზეზით წარმოშობილი სამუშაოების (მასალების, მოწყობილობების და ა.შ.) ნაკლი (ხარვეზი/დეფექტი),

„მიმწოდებლის“ მიერ აღმოფხვრილ უნდა იქნას საკუთარი სახსრებით. ამასთან, ნაკლის გამოსწორების სამუშაო უნდა დაიწყოს აღნიშნულის შესახებ ინფორმაციის მიღების თარიღიდან არაუგვიანეს მე-3 სამუშაო დღისა. თუ მიმწოდებელი ვერ შეძლებს ნაკლის გამოსწორებას და შემსყიდველს გადახდილი აქვს ამ ნაკლის მქონე სამუშაოს ღირებულება, მიმწოდებელი ვალდებულია მოახდინოს ნაკლის მქონე სამუშაოს ღირებულების დაბრუნება.

5. მომსახურების მიწოდების ადგილი და ვადა

5.1. შესყიდვის ობიექტით გათვალისწინებული სამუშაოს მიწოდების ადგილია თბილისი, ბარათაშვილის ქ. №2, მე-5 სართული.

5.2. შესყიდვის ობიექტით გათვალისწინებული სამუშაოს მიწოდების საერთო ვადა განისაზღვრება 2016 წლის -----დან 2016 წლის ----- ჩათვლით.

6. მხარეთა უფლება-მოვალეობანი

6.1. „შემსყიდველი“ უფლებამოსილია:

ა) ნებისმიერ დროს განახორციელოს „მიმწოდებლის“ მიერ ნაკისრი ვალდებულებების შესრულებისა და ხარისხის ინსპექტირება;

ბ) მიწოდების დასრულებამდე გამოითხოვოს „მიმწოდებლისაგან“ მისთვის საჭირო დოკუმენტაცია.

6.2. „შემსყიდველი“ ვალდებულია:

ა) უზრუნველყოს ღირებულების ანაზღაურება ხელშეკრულებით გათვალისწინებული ვადებისა და პირობების დაცვით;

ბ) უზრუნველყოს წარმომადგენლ(ებ)ის გამოყოფა, რომელიც ზედამხედველობას გაუწევს ხელშეკრულების შესრულების მიმდინარეობის პროცესს.

6.3. „მიმწოდებელი“ უფლებამოსილია მოსთხოვოს „შემსყიდველს“ ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

6.4. „მიმწოდებელი“ ვალდებულია:

ა) შეასრულოს ხელშეკრულების პირობები სათანადო ხარისხითა და სრული მოცულობით, სატენდერო დოკუმენტაციასა და წინადადებაში მითითებული ვადებისა და პირობების შესაბამისად;

ბ) საკუთარი სახსრებით აღმოფხვრას გამოვლენილი ნებისმიერი სახის ნაკლი;

გ) დაიცვას სამუშაოების წარმოების უსაფრთხოების წესები, ეკოლოგიის, ბუნებისა და მშენებლობის ნორმატივები, რომელიც გათვალისწინებულია მოქმედი კანონმდებლობით.

დ) მუშაობის პროცესში უზრუნველყოს საქართველოში მოქმედი სახანძრო უსაფრთხოების წესების მოთხოვნათა განუხრელი დაცვა.

ე) მოქმედი კანონმდებლობის დაცვით, აანაზღაუროს მისი ბრალეულობით „შემსყიდველისათვის“ მიყენებული ზარალი/ზიანი.

ვ) სამუშაოები აწარმოოს „შემსყიდველის“ ფუნქციონირებისათვის ნორმალური რიტმის შენარჩუნების პირობებში.

ზ) შესრულებული სამუშაოები, სამუშაოების პროცესში გამოყენებული ძირითადი მასალები, მოწყობილობა-დანადგარები, იყოს მაღალი ხარისხის და აკმაყოფილებდეს თანამედროვე ტექნოლოგიების მოთხოვნებს. ამასთან, სამუშაოების შესრულების პროცესში გამოსაყენებელი მასალებისა (მათ შორის ლამინირებული იატაკი, საღებავი და ა.შ.) და მოწყობილობების ვიზუალური და ტექნიკური მახასიათებლები წინასწარ, მათ შესყიდვა-გამოყენებამდე, შეათანხმოს შემსყიდველის უფლებამოსილ პირ(ებ)თან, მათ შორის გამოსაყენებელი ნედლეულისა და მასალების შესაბამისი სერტიფიკატების (ასეთის არსებობის შემთხვევაში) წარმოდგენის გზით (მიმწოდებლის მიერ აღნიშნული პირობის დაუცველობის შემთხვევაში, შემსყიდველი უფლებამოსილია არ მიიღოს ასეთი სამუშაო და მოითხოვოს მითითებული პირობის დაცვა, რა შემთხვევაშიც დამატებით ხარჯებს აანაზღაურებს მიმწოდებელი).

თ) სამუშაოების მიმდინარეობისას საოფისე ავეჯი, ფარდები/ჟალუზები, მინები, იატაკი და ა.შ., დაბინძურების თავიდან ასაცილებლად, შეფუთოს (დაიფაროს) დაბინძურებისაგან დამცავი საშუალებით (მაგალითად, პოლიეთილენის ან მსგავსი შესაფუთი მასალით).

ი) საოფისე მოწყობილობებისა და ავეჯის შიდა გადაადგილება (საჭიროების შემთხვევაში) მოახდინოს საკუთარი ძალებითა და ხარჯით, ამ ქვეპუნქტში აღნიშნული ნივთებისათვის ზიანის მიყენების გარეშე.

კ) სამუშაოების მიმდინარეობის დროს და მისი საბოლოოდ დასრულების შემდეგ, სამუშაო ტერიტორია, კედლები, ფანჯრები, კარები, ავეჯი, ფარდა-ჟალუზები, ოფისის მოწყობილობები, მასალის გადასაზიდად გამოყენებული ლიფტი, შენობის კიბეები და ა.შ. გაასუფთავოს/გაწმინდოს რემონტის კვალისაგან, ხოლო სამშენებლო-სარემონტო ნარჩენები გაიტანოს შენობის ფარგლებს გარეთ, შესაბამის ნებადართულ ადგილზე.

6.5 მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით არსებული თავისი ვალდებულებები მესამე პირს.

7. ჯარიმა-სანქციები ხელშეკრულების პირობების დარღვევისათვის

7.1. სატენდერო დოკუმენტაციისა და ხელშეკრულების არსებითი პირობების დარღვევის შემთხვევაში, ხელშეკრულების მხარეთა მიმართ გამოიყენება შემდეგი სახის სანქციები/ჯარიმები:

ა) ხელშეკრულებით გათვალისწინებული სარემონტო სამუშაოების პირობების არსებითი შეუსრულებლობისათვის (მ.შ. სამუშაოების ნაწილობრივი შესრულება), „მიმწოდებლის“ მიმართ გამოყენებული იქნება პირგასამტეხლო ხელშეკრულების საერთო ღირებულების 5%-ის ოდენობით;

ბ) ხელშეკრულებით გათვალისწინებული სარემონტო სამუშაოების შესრულების ვადის გადაცილების შემთხვევაში, „შემსყიდველს“ უფლება აქვს „მიმწოდებლის“ მიმართ გამოიყენოს პირგასამტეხლო ყოველ ვადაგადაცილებულ დღეზე სახელშეკრულებო ღირებულების 0.2%-ის ოდენობით. იმ შემთხვევაში, თუ ვადის გადაცდენისათვის დაკისრებული პირგასამტეხლოს ოდენობა გადააჭარბებს სახელშეკრულებო ღირებულების 1%-ს, „შემსყიდველს“ უფლება აქვს შეწყვიტოს ხელშეკრულება და, ნაკისრი ვალდებულებების შეუსრულებლობისათვის, გამოიყენოს ხელშეკრულებით განსაზღვრული შესაბამისი ჯარიმები/სანქციები;

დ) „შემსყიდველის“ მიერ შესრულებული სამუშაოს ღირებულების ანაზღაურების დაგვიანების შემთხვევაში, „მიმწოდებელს“ უფლება აქვს „შემსყიდველის“ მიმართ გამოიყენოს პირგასამტეხლო ყოველ ვადაგადაცილებულ დღეზე შესასრულებელი ვალდებულების შესაბამისი ღირებულების 0.2%-ის ოდენობით.

7.2. წინამდებარე პუნქტში განხილულ შემთხვევებშიც, ფაქტიურად შესრულებული სამუშაოთა მოცულობის დამადასტურებლად (საჭიროების შემთხვევაში), სსიპ „ლევან სამხარაულის სახელობის ექსპერტიზის ეროვნული ბიუროს“ ან სხვა, შესაბამისი აკრედიტაციის მქონე პირის დასკვნის წარმოდგენის ვალდებულება ეკისრება „მიმწოდებელს“. აღნიშნული პირობის შეუსრულებლობის შემთხვევაში, ექსპერტიზა შესაძლებელია ჩატარდეს „შემსყიდველის“ ინიციატივით, რომლის ხარჯიც დაეკისრება „მიმწოდებელს“ მოქმედი კანონმდებლობის დაცვით.

7.3 საჯარიმო სანქციების გადახდა არ ათავისუფლებს „მიმწოდებელს“ ძირითადი ვალდებულებების შესრულებისაგან.

8. ხელშეკრულების შესრულების კონტროლი

8.1. „შემსყიდველი“ უფლებამოსილია განახორციელოს შემოწმება, რომლის მიზანია შესყიდვის ობიექტის შესაბამისობის დადგენა ხელშეკრულებით გათვალისწინებულ პირობებთან და „შემსყიდველის“ მოთხოვნებთან.

8.2. ხელშეკრულების შესრულების კონტროლს „შემსყიდველის“ მხრიდან განახორციელებ(ენ)ს კოორდინატორ(ებ)ი {შემსყიდველისგან უფლებამოსილი პირის სახელი და გვარი ან/და თანამდებობა}.

8.3. შემოწმების შედეგად გამოვლენილი ნებისმიერი ნაკლის შესახებ „შემსყიდველი“ დაუყოვნებლივ აცნობებს „მიმწოდებელს“ წუნდების მიზეზების მითითებით.

8.4. გამოვლენილი ნაკლის აღმოფხვრასთან დაკავშირებული ხარჯების ანაზღაურება ეკისრება „მიმწოდებელს“ საქართველოს კანონმდებლობით დადგენილი წესით.

9. ხელშეკრულების მოქმედების ვადა

9.1. წინამდებარე ხელშეკრულება მოქმედებს 2016 წლის -----დან 2016 წლის ----- ჩათვლით, ხოლო ფინანსური ვალდებულებების შესრულების ნაწილში მათ სრულ შესრულებამდე.

10. ფორს-მაჟორი

10.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას თუ ხელშეკრულების მთლიანი ან ნაწილობრივი შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული გარემოებების წარმოშობის შედეგად.

10.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული „შემსყიდველისა“ და/ან „მიმწოდებლის“ შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი.

10.3 თუ ერთ-ერთი მხარე „ფორს-მაჟორული“ გარემოების გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში შესაბამისი მხარე არ გათავისუფლდება ნაკისრი ვალდებულებებისაგან.

10.4 მხარეთა პასუხისმგებლობა და ვალდებულებები განახლდება „ფორს-მაჟორული“ გარემოების მოქმედების დასრულებისთანავე.

11. ხელშეკრულებაში ცვლილების შეტანა და ხელშეკრულების შეწყვეტა

11.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

11.2. ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები „შემსყიდველისთვის“, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

11.3. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ (მათ შორის წინამდებარე ხელშეკრულების მე-7 პუნქტის გათვალისწინებით) მეორე მხარისათვის წერილობითი გაფრთხილებიდან 5 (ხუთი) დღის ვადაში.

11.4. ხელშეკრულება ასევე შეიძლება შეწყდეს მხარეთა ინიციატივით, ურთი-ერთშეთანხმების საფუძველზე, მოქმედი კანონმდებლობის დაცვით.

12. დავები და მათი გადაწყვეტის წესი

12.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის

გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

13. განსაკუთრებული პირობები

13.1 პირობები, რომლებიც არ არის გათვალისწინებული ამ ხელშეკრულებაში, რეგულირდება საქართველოში მოქმედი კანონმდებლობის შესაბამისად.

13.2 ხელშეკრულება შედგენილია ქართულ ენაზე, --- ეგზემპლარად და თითოეულს გააჩნია თანაბარი იურიდიული ძალა.

13.3 ხელშეკრულების --- ეგზემპლარი ეგზავნება „მიმწოდებელს“. ხოლო --- ეგზემპლარი ინახება „შემსყიდველ“ ორგანიზაციაში.

14. მხარეთა იურიდიული მისამართები და რეკვიზიტები

„შემსყიდველი“ სს „ელექტროენერგეტიკული სისტემის კომერციული ოპერატორი“	„მიმწოდებელი“ -----
ქ. თბილისი, ბარათაშვილის ქ. №2, მე-5 სართული ტელ/ფაქსი: 2-60-19-15 სს „თიბისი ბანკის“ ვერის ფილიალი ბანკის კოდი TBCBGE22 ა/ა GE76TB7505936030100001 საიდენტიფიკაციო კოდი 205170036	
{სახელი და გვარი} გენერალური დირექტორი	{სახელი და გვარი} {თანამდებობა}

სს „ელექტროენერგეტიკული სისტემის კომერციული ოპერატორსა“ და {მიმწოდებელს}
{წელი} {რიცხვი} {თვე} გაფორმებული ხელშეკრულების დანართ(ებ)ი №

5. დამატებითი ინფორმაცია

ტენდერთან დაკავშირებით დამატებით ინფორმაციას გასცემს:

- ბორის გაბიძაშვილი, ტელ: 599 549 970, ელ.ფოსტა: **bgabidzashvili@esco.ge**

დაკავშირება უნდა მოხდეს ტელეფონზე ყოველდღე 09:00 სთ-დან 18:00 სთ-მდე, ხოლო ელ. ფოსტით ყოველ სამუშაო დღეს 09:00 სთ-დან 18:00 სთ-მდე.